





ՄԵԾԻ ՏԱՆՆ ԿԻԼԻԿԻՈ ՈՂԲԱՑՅԱԼ ԿԱԹՈՂԻԿՈՍ
ՆՈՐԻՆ Ս. ՕԾՈՒԹՅՈՒՆ Տ. Տ. ԳԱՐԵԳԻՆ Ա,



ՎԱՀԱՆ ԱՐՔԵՊԻՍԿՈՊՈՍ

Դ Ա Մ Բ Ա Ն Ա Կ Ա Ն

(Խոսված Անքիլիասի Մայր Ցաճարում, հոգելույս Կաթողիկոսի դազադի առջեւ)

Յանուն Հօր և Որդոյ և Հոգոյն Սրբոյ,
ամէն:

Սիրելի հայրե՛ր և մայրե՛ր, հարգելի եղ-
բայրնե՛ր և բույրե՛ր.

Հունիսի 22-ին Անքիլիասից էջմիածին
եկած հեռագիրը գումեց Մեծի Տանն Կիլիկիո
Ս. Տ. Գարեգին Ա. Կաթողիկոսի մահը: Այդ
օրը կիրակի էր: Վեհափառ Հայրապետ Ս. Տ.
Գեորգ Զ. Կաթողիկոսը և Գերագույն Հոգևոր
Խորհրդի անդամները, խորը կսկծաճեղձ հա-
մակված, հեռագրեցին բոլոր քեմերին՝ ի հի-
շատակ Հանգուցյալին կատարել սուրբ պա-
տարագ ու հոգեհանգիստ և որոշեցին մի
պատմիրակություն ուղարկել Անքիլիաս՝ ներ-
կա լինելու քաղմանը:

Երանաշնորհ Գարեգին Կաթողիկոսի մահը
անսպասելի էր. ճիշտ է, որ նա հիվանդ էր
երկար ժամանակ, բայց քվում էր քե օրեցօր
դիմում էր դեպի բարելավում: Եվ մենք հոգ-
վով աղոթում էինք նրա ապափինման հա-
մար: Անագորույն մահը կտրեց նրա գրի-
շը, որ հաւածամ շարժվում էր հօգուտ իր
ժողովրդի և իր եկեղեցու: Մենք այսօր
կանգնել ենք մի մեծ եկեղեցականի առաջ և
նրա սրբազան անյունի առջև ծունկի ենք
խոնարհվում: Ահա կես ժամ էս և նրա մար-
մինը հողին կհանձնվի: Մենք բախտ էինք
ունեցել աշակերտ լինելու նրան էջմիածնի
Հոգևոր Ճեմարանում: Նա իր խոսքերով և

դասախոսություններով ոգեշնչում, խանդա-
վառում էր մեզ:

Մայր արքունում նա վարչական բարձ-
րագրողներ էր վարում և միաժամանակ
խմբագրում «Արարատ» ամսագիրը: Նրա Բա-
րոզական խոսքը՝ մարդկանց դեպի երկինք
էր սլացնում: Ո՛վ չի լսել նրան և չի տեսել
նրա եռանդ ներշնչող գործունեությունը. նա
ոգեշնչում էր իր խոսած նյութով և իր գա-
ղափարները պարզությամբ մատուցելով ուն-
կրեղիւրներին: Նա զանազան գեղեցիկ հա-
մեմունքներով էր փառացրացնում իր խոսքերը
ունկնդիրներին: Նա գիտեր ժողովրդի սիրած
քեման և ըստ այնմ խոսում էր:

Բոլոր հայերը սգում են այսօր Գարեգին
Կաթողիկոսի մահը, բոլորը վշտակիր են
նրա համար: Իր մասին դուր շատ հողված-
ներ եւ կարդացել և շատ բան լսել, ուստի և
կանգ չենք առնում նրա բովանդակալից
կենսագրության վրա:

Գեորգ Զ. Վեհափառի, Գերագույն Հոգևոր
Խորհրդի անդամների և անձամբ մեր՝ պատ-
գամավորության անունից հայտնում ենք մեր
խորը ցավակցությունը: Հանգուցյալի մահը
մտավորականության վրա խոր տպավորու-
թյուն է բողել. այդ առթիվ ստացել ենք ցա-
վակցական բազմաթիվ նամակներ և հեռա-
գրեր:

Խոշոր անձնավորություն էր Գարեգին Կա-
թողիկոս և որպէս գիտնական. նրա մտավոր

հայացքը ընդարձակ էր, բազմակողմանի և խորաբափանց: Նա իր նյութերի մոտեցումով կարող էր հմայել և՛ ընթերցողներին և՛ ունկնդիրներին:

Վեր կա՛ց, Վենափառ Տե՛ր, Քո շուրջ ժողոված ենք մենք. մոռավոր և հեռավոր տեղերից բոլորս եկել ենք երկրպագելու Ձեզ: Այս հասարակությունը եկել է ողբալու Քո մահը: Ահա՛ այն Սուրբ Սեղանը, որի վրա Դու պատարագեցիր: Ահա՛ այն եկեղեցու պատերը, որը կամենում էիր որմնակարել: Քո խաղաղասիրական փառքները մենք շենք կարող մոռանալ: Միասնականության մասին Քո պատգամները ոգևորել են մեզ և մոտ են մեր սրտին: Քո բարձր անյունի առջև բոլորքը երգվեն հետևելու Քո խորհուրդներին:

Գարեգին Երանաշնորհ Կաթողիկոսն, իր իմաստությամբ, սերտ կապ էր ստեղծել էջմիածնի և Անթիլիասի Աթոռների միջև: Երբ

Գեորգ Վենափառը իմացավ նրա մահը, խորապես վշտացավ ու ցնցվեց:

Մի մեծ կորուստ է Գարեգին Կաթողիկոսի մահը: Այդ կորուստը սակայն կարող ենք դարձանել՝ հետևորդ լինելով նրա խորհուրդներին և ցանկություններին:

Արդ, Երանաշնորհ Հա՛յր, մենք, Ձեր խոնարհ աշակերտը, էջմիածնի կողմից, հարգանքներ ենք մատուցում Ձեզ: Ձեր խոնարհ աշակերտը հարգանքներ է մատուցում Ձեզ, էջմիածնի նվիրված հոգևորականիդ:

Միևեթ ժողովուրդ, բույլ տվեք այս կարևոր ամբանականով փակեմ իմ խոսքը:

Աղոթե՛նք, որ Տերը նրա հոգին հավերժական հանգստի արժանացնի:

Աղոթե՛նք աշխարհի Փրկչին, որ մեզ տա արժանավոր հաջորդ, այնպիսի հաջորդ, որ Աթոռը բարձր պահե, լինի Հանգուցյալի խոսքերի և խորհուրդների հետևորդը:

Կրկին աղոթենք Նորին Աբրույան հոգվո հանգստության համար, ամեն:

